

catione per aerem, qui est vita omnium spirantium adumbrata. Similiter & Erasmus in annotationibus suis duo liquidiora elementa aquam & aerem a Christo proposita philosophatur, ut cœlestem generationem a terrestri & crassa distingueret. Quam explicationem non minus ac illam de mortificatione ac vivificatione spirituali a Christi mente alienam iudicat Calvinus in suo ad Johannis evangelium commentario. Postquam enim dixisset nonnullos sub aquæ nomine veteris hominis abnegationem, & per spiritum novam vitam intelligere, subjicit: *alii tacitam antithesin subesse putant, quasi aquam & spiritum pura scilicet & liquida elementa Christus terrestri & crassæ hominum naturæ opponat. Ita allegorice hoc accipiunt dictum, quasi juberet nos Christus gravem & onerosam carnis massam exuere, & fieri aquæ & aeri similes ut sursum tendamus vel saltem non ita degravemur in terram. Sed utraque opinio mihi aliena videtur a Christi mente.* Alibi q) tamen Brentius per aquam baptismi sacramentum & simul totum externum evangelii ministerium, per spiritum vero non alium intelligit quam Spiritum Sanctum, qui per baptismum donatur & hominem renovat.

p) pag. 804. q) homil. 25. in Evangel. Johan. p. 134. 135.

§. XIX.

Videmus ergo verba Christi ad Nicodemum variis rationibus exponi, & longe plures addi possent, si quomodo fanatici quidam illud Christi oraculum interpretati fuerint, recensere operæ pretium videretur. Verum deliriis istis, quorum aliqua a Becmanno r) referuntur, commemorandis superfedemus, & potius notamus ex ipsis Christi verbis aliisque circumstantiis abunde colligi posse, quod Christus in illo dicto de baptismi sacramento locutus fuerit.

r) exercitat. theolog. 21. p. 380.

§. XX.

Loquebatur Christus cum Nicodemo uno ex Pharisæis, qui carnali generatione ex Abrahami prosapia inflati confi-

confi-